



Broj: 03-11-29931/25
Sarajevo, 01.07.2025. godine,

Dana 01.07.2025.godine, u Sarajevu, između Ministarstva pravde i uprave Kantona Sarajevo, sa sjedištem u Sarajevu, Ulica Reisa Džemaludina Čauševića 1/1, koga zastupa ministrica Darja Softić Kadenić i Javne ustanove Terapijska zajednica Kampus Kantona Sarajevo, sa sjedištem u Rakovici, Ulica Iznad sela Kešeljli bb, koju zastupa direktor mr. Adis Hadžić, zaključuje se sljedeći:

SPORAZUM O FINANSIJSKOJ PODRŠCI IZVRŠAVANJU RADA ZA OPĆE DOBRO NA SLOBODI

I.

Između strana potpisnica ovog Sporazuma, na snazi je Ugovor o izvršavanju rada za opće dobro na slobodi, broj: 03-02-09-3706/25, od dana 07.04.2025. godine, a koji važi u periodu od dana 16.05.2025. godine, do dana 16.05.2026. godine, na osnovu koga Ministarstvo pravde i uprave Kantona Sarajevo, upućuje osuđene osobe kojima su nadležni sudovi izrekli alternativnu krivičnu sankciju rad za opće dobro na slobodi, u Javnu ustanovu Terapijska zajednica Kampus Kantona Sarajevo, na izvršavanje iste.

II.

Imajući u vidu broj osuđenih osoba koje izvršavaju rad za opće dobro na slobodi u Javnoj ustanovi Terapijska zajednica Kampus Kantona Sarajevo i to 20 (dvadeset) osuđenih osoba istovremeno, kao i značaj i svrhu izvršavanja predmetne sankcije u procesu resocijalizacije osuđenih osoba putem planiranih aktivnosti u okviru radno-okupacione terapije, Ministarstvo pravde i uprave Kantona Sarajevo, vrši dodjelu finansijskih sredstava Javnoj ustanovi Terapijska zajednica Kampus Kantona Sarajevo u iznosu od 6.000,00 KM, (šest hiljadak konvertibilnih maraka), u cilju dodatnog unapređenja uslova za kvalitetan i kontinuiran rad osuđenih osoba na izvršavanju rada za opće dobro na slobodi.

III.

Navedena sredstva će, u skladu sa planom Javne ustanove Terapijska zajednica Kampus Kantona Sarajevo, doprinijeti kvalitetnijem izvršavanju rada za opće dobro na slobodi, omogućiti ostvarenje punog kapaciteta predmetne sankcije uz postizanje posebnih ciljeva – rehabilitacije, radne integracije i društveno-korisnog angažmana osuđenih osoba, i biće upotrijebljena za:

- nabavku osnovnog radnog alata i zaštitne opreme,
- nabavku poljoprivrednog materijala i sredstava za održavanje plasteničke i vanjske proizvodnje,
- nabavku materijala za održavanje i servisiranje postojeće radne opreme.

IV.

Javna ustanova Terapijska zajednica Kampus Kantona Sarajevo, obavezna je dostaviti Izvještaj o utrošku predmetnih finansijskih sredstava, zaključno sa istekom roka važenja Ugovora o izvršavanju rada za opće dobro na slobodi.

V.

Ovaj Sporazum je zaključen u 4 (četiri) primjerka, od kojih svaka strana potpisnica, zadržava po 2 (dva).

Adis Hadžić, mr.
Direktor
Javna ustanova
Terapijska zajednica Kampus
Kantona Sarajevo

Darja Softić Kadenić
Ministrica pravde i uprave
Ministarstvo pravde i uprave
Kantona Sarajevo